

Վահան Չանոյան

Երկիր

Ծննդյան երկիր

Լեզուներ


Ազդեցության ոլորտներ

ԱՄՆ / Հայաստան

Լիբանան

հայ., անգլ., արաբ.

տնտեսություն, անվտանգություն,
գրականություն, զինեցործություն,
շահերի պաշտպանություն, մտավորականություն



Զբաղեցրած պաշտոններ

Նախագահ և Գործադիր տնօրեն՝ PFC Energy

Նախագահ՝ PFC Energy International

Գործադիր տնօրեն՝ [First Energy Bank](#)

Վահան Չանոյանը անվանի ամերիկահայ գործիչ է, ում բազմաոլորտ գործունեությունն ընդգրկում է տնտեսագիտության, ազգային անվտանգության, էներգետիկայի աշխարհաքաղաքականության, զինեցործության, գրականության, շահերի պաշտպանության և Հայաստանի քաղաքական ու հասարակական դիսկուրսում գաղափարական առաջնորդության ոլորտները:

Ծագումով մուսալեռցի Չանոյանը ծնվել է Լիբանանում, մեծացել՝ Անջարում և Բեյրութում: 1975 թվականից տեղափոխվելով ԱՄՆ՝ բնակվել է մի շարք քաղաքներում՝ Ֆիլադելֆիաում, Վաշինգտոնում, Նյուպորտ Բիչում (Կալիֆոռնիա), ինչպես նաև Լոզանում (Շվեյցարիա), Բահրեյնում և Հայաստանում: Ներկայումս իր ժամանակը բաժանում է Նյուպորտ Բիչի, Երևանի և Վայոց ձորի միջև՝ վերջինում կառուցելով իր երազանքի տունը:

Նախնական կրթություն Չանոյանը ստացել է Անջարի քույր Հեղվիգի հայկական [Ավետարանական դպրոցում](#), այնուհետև՝ Բեյրութի [Հայ Ավետարանական քոլեջում](#), որտեղ նրա հայրը՝ հանգուցյալ Բաբկեն Չանոյանը, եղել է լեզենդար մանկավարժ: 1972 թվականին ստացել է քաղաքական գիտությունների բակալավրի, իսկ 1975-ին՝ տնտեսագիտության մագիստրոսի աստիճան [Բեյրութի Ամերիկյան համալսարանում](#): 1975-1978 թվականներին շարունակել է հետբուհական ուսումը [Փենսիլվանիայի համալսարանում](#):

Որպես փորձագետ՝ Չանոյանը խորհրդատվություն է տրամադրել մի շարք կառավարությունների՝ ԱՄՆ, Նորվեգիա, Մեծ Բրիտանիա, Ճապոնիա, Ղազախստան և Ծոցի մի շարք երկրներ՝ ազգային անվտանգության, աշխարհաքաղաքական և գլոբալ

Էներգետիկ հարցերում: Գլխավորել է PFC Energy ընկերությունը Վաշինգտոնում, PFC Energy International-ը՝ Շվեյցարիայում, և First Energy Bank-ը՝ Բահրեյնում:

Որպես գրող՝ Չանոյանը հեղինակել է երկու հայերեն [քանաստեղծական ժողովածու](#)՝ «Վերադարձ» (2010 թ.) և «Եզրէն Դուրս» (2011 թ.), ինչպես նաև չորս անգլերեն վեպ՝ [A Place Far Away](#) («Հեռավոր մի տեղ») 2013 թ., [The Doves of Ohanavank](#) («Օհանավանքի աղավինները») 2014 թ., [The Sacred Sands](#) («Սուրբ ավազներ») 2016 թ., և [Waking Noah's Vines](#) («Նոյի որթատունկերի արթնացումը») 2019 թ., որոնցից երեքը թարգմանվել են հայերեն:

Իր մասնագիտական և գրական գործունեությունից զատ՝ Չանոյանը ներգրավված է նաև հումանիտար ծրագրերում, մասնավորապես՝ մարդկանց առևտրի դեմ պայքարում: Վերջին տարիներին նա նաև խթանել է Հայաստանի գինեգործության և գինու տուրիզմի զարգացումը:

Չանոյանի ամենամեծ արժեքը նրա ռազմավարական մտածողության և հեռատեսության մեջ է՝ հազվադեպ և առավել ու ավելի կարևոր որակ Հայաստանի համար: